

FAAMASINOGA MAUALUGA THURSTON COUNTY

Liang, et al. v. State of Washington Dep't of Social & Health Services (DSHS), et al.

Afai o oe o se pe sa e Fai Tausiga Patino (IP) sa faia tausiga patino mo kalani na faaitiitia itula o tausiga totogia e le DSHS ona o tulafono “penefiti faasoa,” e mafai ona maua sau peimeni mai se faai’uga o se gaoioiga a se vasega.

Na faatagaina e se faamasinoga lenei faaaliga. E le o se talosaga lenei mai se loia.

E faia se faai'uga e maua ai le \$116 miliona e totogi ai tagi a Fai Tausiga Patino (IP) na tausia kalani mo itula totogia na faaitiitia e le DSHS ona o tulafono a le DSHS o “penefiti faasoa” i le va o Mati 7, 2014, ma Fepuari 28, 2021.

O le faai'uga e fofa ai se tagi faaletulafono ona o le teena o le totogi o IP mo itula uma na faigaluega ai ona o tulafono o penefiti faasoa; totogi tupe i IP; alo'ese mai lamatiaga i le faaauau o le tagi; totogi tupe i IP e pei o oe; ma faasa'oloto le DSHS ma isi tagata tali mai a latou aitalafu.

E aafia ou aia tatau faaletulafono pe e te faagaoioi pe leai. Faitau lelei lenei faaaliga. E maua nisi faamatalaga i le www.IPWageSettlement.com.

Q QU AIA TATAU MA FILJILIGA I LENEI FAAL'UGA

Aua le Faia Se Mea e tasi ma, afai e te maua se siaki, tala loa	Nofo pea i le tagi faaletulafono lenei. Faamatuu ni aia tatau patino. O le leai o se mea e te faia, e te tumau ai pea i le vasega. Afai e talia le faai'uga ma maua ai sau vaega, o le a maua sau siaki. Vaai i le Vaega 9-13. Afai e te talaina pe teu lea siaki, o lou faamaonia lea sa e galue mo se kalani o loo aafia, faia se tausiga faitauina mo le kalani, ma e le'i totogia oe mo ia auaunaga. O loo auiliili atu lea faamaoniga i le Vaega 13 o loo i lalo ifo. Afai e te le talaina le siaki, o le a toe tufa lea tupe i isi IP ae e te faamatuu atu lava lou aia tatau e tagi ai faasaga i le DSHS mo faafinauga e aofia i lea faai'uga.
Aveese Mai Oe e Oe Lava	Alu ese ma le tagi faaletulafono. Aua ne'i maua mai ai ni penefiti. Taofi aia tatau. Afai e te aveesea mai ai oe pe "filifili e alu ese" mai le faai'uga, o le a le maua sau peimeni o le faai'uga. Aepeita'i, o le a tumau pea ou aia tatau o loo iai e te faaaauau ai le finau ma'oti ese e faasaga i le DSHS. A e filifili e te alu ese, e tatau ona e faatinoina ia Iulai 22, 2022.
Tetee	Ta'u i le Faamasinoga pe afai e te le fiafia i le faai'uga. Afai e te le malie i aiaiga o le faai'uga ua avatu, e mafai ona faila sau tetee tusitusia i le Faamasinoga ma/poo lou tula'i i le Faamasinoga e faamalamalama lau faaseā. E le mafai ona e filifili e alu ese ma e toe tetee i le faai'uga.

- O ou aia tatau ma filifiliga – ma aso faagata e faia ai – o loo faamalamalama atu i lenei faaaliga.
 - E faia lava le filifiliga a le Faamsinoga pe talia le faai’uga. E faia peimeni pe afaí e talia e le Faamsinoga le faai’uga ma ua uma ona fofo ni apili. Faamolemole onosa’i mai.

تتوفر نسخة من هذا الإشعار باللغة العربية على الموقع الإلكتروني www.IPWageSettlement.com.
يک نسخه از این اطلاعیه به زبان فارسی در www.IPWageSettlement.com موجود است.

ਇਸ ਨੋਟਿਸ ਦਾ ਪੰਜਾਬੀ ਅਨੁਵਾਦ www.IPWageSettlement.com.'ਤੇ ਉਪਲਬਧ ਹੈ। · Версия этого

Уведомления на русском языке доступна на www.IPWageSettlement.com. · Nuqulka Ogeysiiskan oo Af-Soomaali ah ayaa laga heli karaa www.IPWageSettlement.com. · گىنەپىچا گارسا خەزىز

FAAMATALAGA AMATA

1. Aisea ua e maua ai lenei faaaliga?

Ua e maua lenei faaaliga ona ua iloa i faamaumauga a le Matagaluega Auaunaga Fealoa'iga ma Soifua maloloina (DSHS) o oe o se IP pe sa faakonekarate oe e le DSHS i se taimi i le va o Mati 7, 2014 ma Fepuari 28, 2021, e fai se tausiga totino mo se kalani sa faaitiitia ona itula totogia o le tausiga ona sa faailoga e le DSHS lona tulaga i le fuafuaga a le CARE o se “penefiti faasoa” i le le itiiti ifo i le tasi se galuega.

Ua polo'iina e le Faamasinoga ia lafo atu lenei faaaliga ia te oe ona e iai lou aia tatau e iloa ai e uiga i le faai'uga ua faatuina ma ou aia tatau ma filifili ae le'i filifili le Faamasinoga pe talia lea faai'uga ua faatuina. O le tagi faaletulafono e ta'u o le *Liang, et al. v. State of Washington, et al.*, No. 20-2-02506-34; o loo faamalumalu i le Faamasinoga Sili i Uosigitone i le Thurston County; ma sa aumai e nisi IP (e ta'u o “Itu Tagi” i lenei faaaliga) e faasaga aga'i i le Setete o Uosigitone, DSHS, ma le Failautusi o le DSHS (e ta'u faatasi o le “DSHS” i le faaaliga lenei).

2. O le a se mea e faatatau i ai lenei tagi faaletulafono?

Ua tuua'ia e Itu Tagi e le'i totogia e le DSHS nisi o IP i totogi o loo aitalafu ai mai ia Mati 7, 2014 e oo ia Fepuari 28, 2021. Fai mai itu tagi sa tupu lea mea ina ua faaitiitia e le DSHS itula totogia o tausiga ina ua latou iloa ane o loo fai faatasi le tausiga e faia e se IP pe faasoa penefiti e le IP ma se kalani, poo ni kalani e toatele i le aiga e tasi ni penefiti e pei o le faia o mea tausami, faia o faatau, feau i le fale, pe sapalai laau. E taumafai le tagi faaletulafono ia toe totogi ma isi tupe sa afaina i lalo o le konekarate a le setete ma totogi i le tulafono poo galuega ua finauina e IP sa faia e aunoa ma se totogi.

E tetee le DSHS sa ia solia se tulafono pe faia se mea sese.

3. O le a le faai'uga o se gaoioiga faavasega?

O le gaoioiga faavasega o le ituaiga tagi faaletulafono lea e tagi ai le itu tagi mo ia ma isi foi tagata o loo tutusa o latou tulaga. I le mataupu lenei, o le Itu Tagi o IP e to'atolu, Sylvia Liang, Manuel Brito, ma Shazia Anwar. O isi IP e ta'u o “sui o le vasega.” I se faatinoga faavasega, e tasi le faamasinoga e fofoina faafitauli mo sui uma o le vasega, se'i vagana ai i latou ua tuueseina lava i latou e i latou mai le vasega.

Ua faama'oti e le Faamasinoga lenei mataupu o se gaoioiga faavasega mo le faai'uga ua faatuina. E le'i filifili le Faamasinoga pe faama'oti le mataupu lenei o se gaoioiga faavasega e filifili ai tulaga tatau o finauga a Itu Tagi. Afai e le faia e le Faamasinoga se tonu e talia le faai'uga ua faatuina mo soo se mafuaga, o le a leai se faai'uga faavasega ma o le a toe foi itu uma i le faafinauna o le mataupu. O IP e aofia i le faai'uga e ta'u o “Sui o le Vasega i le Faai'uga,” se'i vagana i latou ua aveeseina lava i latou e i latou mai le vasega o le faai'uga.

4. Aisea ua faia ai se faai'uga?

E talitonu itu uma e lua latou te manumalo i le faamasinoga, ae le'i faia e le faamasinoga se i'uga e malie i se tasi o itu. Ua malilie itu e lua i se faai'uga e 'alofia ai le totogi, faatuai, lamatiaga, ma le le mautinoa i le faamasinoga ma tagi toe iloilo. Latou te faia faapea ina ua mae'a ni su'esu'ega umi ma fefaasoaa'i faamatalaga. O Sui o le Vasega o le Faai'uga e agavaa i lalo o le fika o loo faamatala i le Vaega 10 o loo i lalo ifo. e maua taui faatatau.

E manatu Itu Tagi ma a latou loia (Loia Faufautua Faavasega) o le faai'uga o le mea sili lea mo Sui uma o le Vasega i Faai'uga ma o loo sa'o aiaiga o le faai'uga, talafeagai, ma e lava foi lea.

O AI O LOO I LE FAAI'UGA?

5. O ai e iai i le vasega o le faai'uga?

O le vasega o le faai'uga e faamatala faapea: "o IP uma i le taimi nei ma le tuana'i na faakonekarate e le DSHS e faia tausiga patino mo kalani sa faaitiitia itula o a latou tausiga i le aiga ona o le DSHS, e ala i ona lālā, kalani ua faailogaina i le fuafuaga a le CARE faapea o loo iai le Tulaga o le 'benefiti faasoa' e faatatau i se tasi pe sili atu o IADL."

6. O a'u o se vaega o le vasega o le faai'uga?

Ioe, vagana ua e aveesea oe e oe lava i lau filifiliga (taga'i i le Vaega 15–16). Ua e maua lenei faaaliga ona o loo aliali ia matou faamaumauga sa e faigaluega mo le tasi pe sili a'e ni kalani sa faaitiitia ona itula faatagaina i le Taimi o le Vasega ona ua failogaga e le DSHS le "tulaga" o le kalani i le iloiloga a le CARE o se tasi e "benefiti faasoa" mo se tasi pe sili a'e ni galuega o se tausiga patino.

7. E faapefea pe afai ou te le'i maua tonu le faaaliga, ae ou te manatu o a'u o se sui o le vasega o le faai'uga?

Afai e te le'i maua lenei faaaliga ae te manatu na e galue mo se kalani a le DSHS sa faaitiitia ona itula faatagaina mo tausiga patino i le Taimi o le Vasega, ona ua iloilo e le DSHS le kalani ma o loo iai i se "benefiti faasoa," faamolemole faafesoota'i le pule faafloe o le faai'uga i le 888-964-0102.

PENEFITI O LE FAAI'UGA – O MEA E TE MAUA

8. O a mea e maua i le faai'uga?

Ua malie le DSHS e totogi le \$116,068,000, e totogi ai peimeni mo Sui o le Vasega o le Faai'uga, le vaega a le DSHS i lafoga mai totogi, totogi ma pili a Loia a Vasega, tau o le aufaigaluega o le faai'uga ma faaaliga, ma, pe a tatau ai, lafoga a le iuni.

9. E fia la'u peimeni?

O le tau fuafua o lau peimeni e [SAUNIA E LE PULE]. E pei o isi uma Sui o le Vasega o le Faai'uga, o lau peimeni to'atasi e pro rata (pe vaevae i vaega) lau vaega o le faai'uga e fuafua i le aofa'i o itula e finauina e le Itu Tagi na e galue ai e leai se totogi i le Taimi o le Vasega ma le totogi e tatau ai mo ia itula.

10. Na faapefea ona fika fuafua la'u peimeni?

Sa malilie itu i se metotia e fika ai peimeni mo Sui o le Vasega o le Faai'uga, ta'ito'atasi, e fuafua i faamaumauga a le DSHS. E iloa i faamaumauga kalani na fuafua e le DSHS e iai "benefiti faasoa," IP sa tausia ia kalani, aofa'i o itula faatagaina na faaitiitia ma lē totogia ona o le tulaga na faailogaina ai i "benefiti faasoa," ma pe fia na totogi e le Setete i ia fai auaunaga.

O le fua faatatau o lau vaega o le faai'uga na fika i le vaevae o lou totogi fuafuaina e toe avatu i le aofa'i atoa o totogi toe avatu o Sui uma o le Vasega o le Faai'uga, ma faatele lea aofa'i i le \$105

miliona. O le \$105 miliona o le aofa'i atoa o le faai'uga, toese ai aofa'i e taofi e totogi ai le vaega a le DSHS o lafoga mai totogi o tagata faigaluega, totogi ma pili a loia Faufautua i Vasega, totogi ma pili o faasalalauga a le aufaigaluega o le faai'uga, ma nisi. O le toe totogi o lenei fika o le aofa'i lea o itula na le totogia ona o le "penefiti faasoa" faatele i le totogi e tatau ai (aofia ai ovataimi, pe a talafeagai ai), e aunoa ma le afaina faalua poo tupe faasili. Afaí na afaina nisi fai auauanaga mo le kalani lea e tasi ona o le "penefiti faasoa" i le masina lava e tasi, na faasalafa uma itula e le'i totogia ia i latou.

Afaí e le'i talaina e nisi sui o le vasega a latou siaki poo nisi tupe faaalu mo le faai'uga e itiiti ifo i le fua faatatau, e te ono maua e oo atu i le lua peimeni faaopoopo e fuafua i lau vaega o le tupe o loo totoe o le faai'uga, faaopoopo i ai le tupe tului sa maua a'e i lea tupe.

11. Aisea ua sili ai pe itiiti ifo la'u peimeni fuafua faatatau i lo se isi tagata?

E faasoa le tupe o le faai'uga i Sui o le Vasega o le Faai'uga e fua i pasene pro rata (*i.e.*, vaevae i vaega) o le tupe, ma taga'i i le afaina ta'ito'atasi ma lana vaega i le afaina atoa o le vasega. E eseese aofa'i o faai'uga ta'ito'atasi e fuafua i tulaga eseese e iai le umi o le taimi o faigaluega le IP i le va o Mati 7, 2014, ma Fepuari 28, 2021, le aofa'i o itula o tausiga na faaitiitia mai i itula faatagaina ona o "penefiti faasoa" (e ono tele se eseesege e fuafua i le aofa'i atoa o itula o le tausiga o le kalani ma le aofa'i o "penefiti faasoa" na filifili i ai le DSHS), le totogi faatulaga o le IP, ma pe fetaui i ai le totogi o le ovataimi.

12. Aisea e ono leai ai sa'u vaega i le fua faatatau?

Atonu o oe o se Sui o le Vasega o le Faai'uga ae leai se tupe e aitalafu ai ia te oe pe afai ua iloa i faamaumauga a le DSHS o nisi fai tausiga, ae le o oe, na tuu i galuega o "penefiti faasoa" i le fuafuaga o le tausiga a le kalani, pe afai e le'i filifilia oe e le DSHS le "penefiti faasoa" o le "tulaga" lea mo le kalani, pe sa fuafua e le DSHS benefiti faasoa i fafo atu o le Taimi o le Vasega.

13. O a isi aiaiga tāua o le faai'uga?

Faamaoniga: O lou tala poo le teu o lau peimeni o le faai'uga, o lou faamaonia lea:

1. O oe o se IP mo le kalani sa faaitiitia lau tupe maua faatagaina i le masina mo auauanaga i tausiga i le aiga ona o le faaitiitia o "penefiti faasoa" na e faia;
2. Na e faia auauanaga o le tausiga patino i le aiga o loo i le fuafuaga o le tausiga o le kalani i le lē itiiti ifo i le aofa'i o itula o benefiti faasoa o loo ta'ua i faamaumauga a le DSHS, i masina ma tausaga, na faaaoga e fika ai lau vaega pro rata (vaevaega i vaega) o le tupe o le faai'uga (o loo lisi atu ia itula i le itulau 9 o lenei faaaliga); ma
3. E le'i totogia oe mo auauanaga ia.

Toe Faasoaina: Afaí e te le talaina pe teu lau peimeni o le faai'uga, o le a toe faasoa lau vaega (ma se tupe tului na maua ai) i isi Sui o le Vasega o le Faai'uga. E faapena foi pe afai e le talaina siaki a isi Sui o le Vasega o le Faai'uga, o le a toe faasoa a latou vaega i le vasega o le faai'uga (e iai ma oe, pe afai e te le filifili e te alu ese). E lua faasoaga o le a faia. Soo se peimeni e le talaina ina ua faia le faasoa lona lua, o le a toe faafo'i i le Setete.

Lafoga o Totogi: O lau peimeni o le faai'uga o le totogi e toe avatu ae faatatau i lafoga tupemaua ma totogi o galuega. E ripoti e le pule faafoe o le faai'uga ia aofia i le IRS i se pepa o le W-2.

Lafoga a le Iuni: Afai o oe o se sui o le SEIU 775, pe sa e iai i le taimi mulimuli na totogi ai oe o se IP, e toese e le pule faafoe o le faai'uga le 3.2% mai lau peimeni mo masina na e iai i le SEIU 775 ma lafo le tupe lena i le iuni.

Aiaiga Faamalosia o le Faai'uga: E faamalosia e le faai'uga lālā o le feterale e faafoeina le Medicaid e faamaonia mai o le a latou faia le tupe mai le feterale e tutusa ma le aofa'i peimeni uma o le faai'uga. Na aumai le faamaoniga ia Tesema 2021. Ua faamalosia foi le Fono Faitulafono a Uosigitone ia faatupe atoa le faai'uga. Na faia lea e le Fono Faitulafono ia Mati 2022, ma sainia e le Kovana i le tupe faasoa Mati 31, 2022.

Filifiliga e o ese: Afai e silia le 3% o sui o le vasega e filifili e o ese ma le faai'uga, e mafai e le DSHS ona faaleaoga le faai'uga.

14. O le a le aoga o le nofo i le vasega o le faai'uga?

Se'i vagana ua e aveesea oe (pei ona faamatala atu i le Vaega 15 i lalo ifo), e te tumau lava i le vasega o le faai'uga. O le a faataape e le Faamasinoa le mataupu "ma le faailoga tagata" pe a talia le faai'uga. Afai e faia lea, soo se faafinauga na aumai pe mafai ona aumai i le tagi faaletulafono, e aofia ai oe, o le tumau lona aveesea. I se isi faaupuga, o le poloa'iga o le aveesea a le Faamasinoga o le a faasa'oloto ai ma tuuese le DSHS mai faafinauga mo totogi e le'i faia poo ovataimi, faata'ita'iga o le faaleagaina pe ua fai faalua, totogi o loia, ma tupe tului sa ta'u mai pe mafai ona ta'u mai e Itu Tagi poo Sui o le Vasega o le Faai'uga e fuafua i mea moni ma tuua'iga i le Tagi i le va o Mati 7, 2014 ma Fepuari 28, 2021, e aofia ai ae le pau lea o faafinauga i le lalo o le Minimum Wage Act (Tulafono o Totogi Maulalo), RCW 49.46, Wage Rebate Act (Tulafono Totogi Toe Faatino), RCW 49.52, ma le tiute o le talitonu ma le fai ma le tonu o konekarate i le va o IP ma le DSHS. A "faasa'oloto" mai faafinauga o lona uiga e le mafai e le tagata o loo aafia i le faasa'olotoga ona toe tagi i se taimi pe toe aumai mai le Setete poo se isi itu ua faasa'olotoina (pei o le DSHS ma isi o latou lala) se faafinauga o loo aafia i le faasa'olotoga.

Afai e talia e le Faamasinoga le faai'uga, o le a faasa'oloto foi e le DSHS le Itu Tagi ma Sui o le Vasega o le Faai'uga e le'i fia o ese mai le vasega o le faai'uga mai faafinauga uma na tuu mai pe ono tuumai e faatatai lenei tagi faaletulafono, e aofia ai faafinauga o le le usita'ia o noataga o le konekarate e le IP, faatinoga tau konekarate e faasaga i Sui o le Vasega o le Faai'uga sa faigaluega i itula e le'i faatagaina e fesoota'i ma tulafono o penefiti faasoa.

AVEESEINA O OE MAI LE FAAI'UGA

Afai e te mana'o e u'u pea lou aia tatau e tagi ai lava oe faasaga i le DSHS e uiga i tulaga faaletulafono i le mataupu lenei, e tatau ona e aveeseina oe mai le vasega o le faai'uga. O le faagasologa o le aveese o oe e ta'u fo'i o le "filifili e alu ese" mai le vasega o le faai'uga.

15. E faapefea ona ou filifili ou te alu ese mai le faai'uga?

Afai e te mana'o e te alu ese mai le faai'uga, e tatau ona meli le pepa ua avatu faatasi ma lenei faaaliga, e ala i le First Class United States Mail i le

Liang v. State of WA: IP Wage Settlement
c/o JND Legal Administration
PO Box 91373
Seattle, WA 98111

ma ia iai lou igoa, tuatusi o loo iai nei, numera telefoni, ma lou tuatusi imeli. Ina ia aoga, e tatau ona faamae'a, saini, ma faailoga i le meli se ta'utinoga o le alu ese, ia le silia le Iulai 22, 2022.

Afai e te faaooina se talosaga aloa'ia i le taimi tatau e tuuese ai oe mai le vasega o le faai'uga, e te le agavaa i se benefiti i lalo o le maliega faatuina o le faai'uga, ma o le a lē saisaitia oe i ona aiaiga poo se faasa'olotoga mai faafinauga poo le faaleaogaina pe afai ua talia e le Faamasinoga le maliega o le faai'uga. E mafai foi ona e tagi (pe faaauau lau tagi) faasaga i le DSHS i le lumana'i, pe afai o au faafinauga na faaopoopo i taimi e talafeagai ai ma le tulafono o taimi faagata. Afai e te fia aveeseina oe mai le poloa'iga ina ia faila ai sau tagi fai to'atasi faasaga i itu Tali, e tatau ona e talanoa i se loia i le vave e mafai ai ona e noatia lau faafinauga i tulafono o taimi faagata. If you want to exclude yourself in order to file an individual

16. Afai ou te aveeseina a'u lava, e mafai ona maua sa'u tupe mai lenei faai'uga?

Leai. Afai e te filifili e te alu ese, e te le maua se tupe mai lenei faai'uga. E mafai ona e tagi, faaauau lau tagi, pe fai ma vaega o se isi tagi faaletulafono faasaga i le DSHS e uiga i faafinauga e tasi, e aafia i tali uma e talafeagai ai.

TETEE I LE FAAI'UGA

E mafai ona e ta'ua i le Faamasinoga e te le ioe i le faai'uga poo nisi o ona vaega.

17. E faapefea ona ou faailoa i le Faamasinoga ou te le fiafia i le faai'uga?

Afai e te nofo pea i le vasega o le faai'uga, e mafai ona e tetee i le faai'uga pe afai e te le fiafia i sona vaega. E mafai ona e ta'ua mafuaga o lou manatu e le tatau ai ona talia e le Faamasinoga. E amana'ia e le Faamasinoga ou manatu. E mafai ona e tetee e ala i le faila o se tusitusiga o le tetee i le Faamasinoga i le Iulai 22, 2022 i le 2000 Lakeridge Dr. SW, Bldg. 3, Olympia, WA 98502. E tatau foi ona e lafona kopi o lau tetee tusitusia i le Loia a le Itu Tagi ma le loia a le DSHS i tuatusi o loo lisi atu i lalo, ia faailoga i le meli ia aua ne'i silia le Iulai 22, 2022.

Jennifer Robbins	William McGinty
Darin M. Dalmat	Dan Judge
Sarah E. Derry	Margaret McLean
Barnard Iglitzin & Lavitt	Sara L. Wilmot
18 W. Mercer St., Suite 400	Attorney General's Office
Seattle, WA 98119	P.O. Box 40124
	Olympia, WA 98504

O lau tetee e tatau ona iai lou igoa, tuatusi o loo iai nei, numera telefoni, ma le tuatusi imeli, faatasi ma le mafuaga o lau tetee. E mafai foi ona e tula'i i le iloiloga mulimuli e faamalamalama au mataupu i lou tetee. O le a fofogaina i le nofoaga ma le aso ma le taimi ua ta'ua i lalo. E mafai ona faia sau loia e totogi e oe e tula'i mo oe i lenei fofogaina ma fai lau tetee i le faai'uga.

Na'o Sui o le Vasega o le Faai'uga e tetee i le faai'uga faatuina i lenei faagasologa e mafai ona tagi e toe iloilo se faai'uga o lenei mataupu. Afai e te lē tetee a ua oo i le taimi e faagata ai, e le mafai ona e tetee i se isi taimi o i luma.

18. O le a le eseesege o le tetee i le faai'uga ma lo'u aveesea o a'u lava?

O le tetee o lou ta'u lea i le Faamasinoga e te le fiafia i se mea e uiga i le faai'uga. E mafai ona e tetee pe afai e te nofo pea i le vasega o le faai'uga. O le aveesea o oe lava o le ta'u lea i le Faamasinoga e te le mana'o e te iai i le vasega o le faai'uga. Afai e te aveesea oe lava, e leai se mea e faavae ai lou tetee ona e le o toe aafia oe i le mataupu.

O LOIA E TULA'I MO OE

19. E iai sa'u loia i le mataupu lenei?

Ua filifili le Faamasinoga e agavaa loia i le Barnard Iglitzin & Lavitt LLP e tula'i mo oe ma Sui uma o le Vasega o le Faai'uga. Ua tofia ia loia o "Loia Faufautua i le Vasega" i le tagi lenei faaletulafono. E maua nisi faamatatalaga e uiga i le galuega a nei loia ma lo latou poto masani i le www.workerlaw.com. E te le totogia ia loia. Afai e te mana'o e tula'i sau loia totino e sui oe, e mafai ona fai sau loia e totogi lava e oe.

20. E faapefea ona totogi loia?

O le a talosaga le Loia a le Vasega i le Faamasinoga e talia le totogi o le \$1,625,000 (1.4% o le tuge o le faai'uga) mo totogi o a latou loia ma totogi o le faagasologa. Afai e talia, o le a totogi atu lea aofa'i mai le aofa'iga atoa o le tuge o le faai'uga. Afai e sili atu le tau o galuega faaletulafono i tua mai o Setema 17, 2021 i lea na faatalitalia e le Loia a le Vasega, e ono talosaga i le Faamasinoga e toe faatumu atu le totogi o le loia faaopoopo. E mafai ona tetee le DSHS pe afai na faia e le Loia a le Vasega lea talosaga. E mafai lava ona aoga le faai'uga tusa pe teena e le Faamasinoga nisi poo talosaga uma a le Loia a le Vasega mo totogi ma tau.

O LE FOFOGAINA E LE FAAMASINOGA O LE TONU

21. O afea le fofogaina o le tonu?

I le Setema 16, 2022, i le 9:00 a.m., i le Thurston County Superior Court, 2000 Lakeridge Dr. SW, Bldg. 3, Olympia, WA 98502, o le a faia e le Faamasinoga se fofogaina e faamautu ai pe tonu, pe lava, ma talafeagai ona fai o le faai'uga, ma e tatau ona ave i ai le talia e gata ai. O le aso ma le taimi o le Fofogaina Mulimuli o le Talia o le Faai'uga e ono toe sui e aunoa ma se isi faaaliga. E tatau ona e taga'i pea i le uepesite o le faai'uga i le www.IPWageSettlement.com mo soo se teuteuga pe valaau i le pule faafoe o le faai'uga i le telefoni vili fua i le 888-964-0102.

22. Pe tatau ona ou alu i le fofogaina o le tonu?

Leai, vagana e te tetee i le faai'uga. Afai e te lē filifili e alu ese mai le faai'uga, e mafai ona tula'i le Loia a le Vasega mo oe i le fofogaina. E talia fafia oe e te sau ae totogi lava e oe. Afai e lafo sau tetee, e le faamalosia oe e te sau i le Faamsinoga. Afai lava e meli lau tetee tusitusia i le taimi tatau, o le a fai i ai se manatu o le Faamsinoga. E mafai foi ona totogi e oe lau lava loia e te auai ai, ae le faamalosia le manatu atu i lau tetee.

23. E mafai ona ou tautala i le fofogaina o le tonu?

Afai e faila sau tetee i le taimi tatau, e mafai ona e talosaga i le Faamsinoga e faataga oe e te tautala i le fofogaina o le tonu. Ina ia faia faapea, faamolemole tuu i ai ma upu "Ou te faamoemoe e tula'i i le fofogaina o le tonu" i lau tetee tusitusia. O le a faagata lau molimau i mafuaaga na e ta'ua i lau tetee. E le mafai ona e tautala i le fofogaina pe afai e te aveesea oe mai le faai'uga.

TOE MAUA NISI FAAMATALAGA

24. O iai nisi auliiliga e uiga i le faai'uga?

O lenei faaaliga e tuufaatosi ai le i'uga faataatia. O loo iai nisi auliiliga i le Settlement Agreement, e te maua pe a e valaau i le 888-964-0102 pe asiasi i le www.IPWageSettlement.com.

25. E faapfea ona ou toe maua nisi faamatalaga?

E mafai ona e valaau i le 888-964-0102; tusi i le Faafoe Faai'uga (Settlement Administrator) i le:

Liang v. State of WA: IP Wage Settlement
c/o JND Legal Administration
PO Box 91373
Seattle, WA 98111

pe asiasi i le uepesite www.IPWageSettlement.com, e te maua ai tali o fesili masani e uiga i faai'uga, se pepa o le filifiliga e te alu ese, ma isi faamatalaga aoga e uiga i le faai'uga.

TUUFAATASIGA O PENEFITI FAASOA O ITULA FETUUNA'I I LE FAAMAUUMAUGA A LE DSHS

O itula fetuuna'i o penefiti faasoa ua ta'ua i faamaumauga a le DSHS i masina ma tausaga na faaaoga e fika ai lau vaega i tuge o le faai'uga e faapea:

[SAUNIA E LE PULE]

TALOSAGA MO LE FAAGAFUA

Liang, et al. v. Wash. State Dep't of Social and Health Servs., Case No. 20-2-02506-34
Faamasinoga Maualuga Thurston County

[AU FAAMATALAGA MO FESOOTA'IGA]

Afai ua sui faamatalaga i luga pe le sa'o, faamolemole toe faasa'o ou faamatalaga i lalo ifo:

Igoa: _____

Tuatusi meli: _____

Telefoni: _____

Aumai lou tuatusi imeli, poo le, afai e leai sou tuatusi imeli, tusi le 'leai':

Tuatusi imeli: _____

O lo'u saini i lalo ifo ma toe faafo'i lenei pepa, o lo'u filifili lea ou te alu ese mai le i'uga o le benefiti faasoa.

Saini Aso o le Saini: _____

Ina ia aveese oe mai le vasega o le faai'uga i le mataupu lenei, e tatau ona e faatumuina, saini, ma meli lenei pepa, ma faailoga e le falemeli ia le silia le Iulai 22, 2022 i le:

Liang v. State of WA: IP Wage Settlement
c/o JND Legal Administration
PO Box 91373
Seattle, WA 98111